

SLUŽBA ZA REVIZIJU FINANSIJSKOG POSLOVANJA

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) izdajem

**IZVJEŠTAJ O PREGLEDU
GODIŠNJEG FINANSIJSKOG IZVJEŠTAJA ZA 2005. GODINU
HRVATSKE STRANKE PRAVA**

Broj: 09-07-6-581/06
Sarajevo, 24. maj 2007. godine

SADRŽAJ:

MIŠLJENJE REVIZORA.....	2
1. UVOD.....	3
2. PREDSTAVLJANJE POLITIČKE STRANKE.....	3
3. OPIS PREGLEDA I KANCELARIJSKE REVIZIJE.....	3
Predmet kancelarijske revizije.....	3
Cilj kancelarijske revizije.....	3
Obim kancelarijske revizije.....	4
4. PRETHODNE REVIZIJE.....	4
5. NALAZI I PREPORUKE.....	4
5.1. NALAZI.....	4
5.2. PREPORUKE.....	4

MIŠLJENJE REVIZORA

Služba za reviziju finansijskog poslovanja u Centralnoj izbornoj komisiji Bosne i Hercegovine izvršila je pregled i kancelarijsku reviziju godišnjeg finansijskog izvještaja **Hrvatske stranke prava** za 2005. godinu.

Rukovodstvo stranke je odgovorno za finansijske izvještaje, postupanje u skladu sa zakonima i propisima i uspostavljanje efikasnog sistema internih kontrola.

Pregled i kancelarijsku reviziju smo obavili u skladu sa revizijskim standardima primjenjivim na angažmanu u pregledu. Ovi standardi zahtijevaju da planiramo i izvršimo pregled da bi dobili umjerenu pouzdanost da stranka nije značajno kršila odredbe Zakona o finansiranju političkih stranaka.

Pregled i kancelarijska revizija su ograničeni na kontrolu godišnjeg finansijskog izvještaja političke stranke, kontrolu izvoda iz poslovnih knjiga političke stranke i primjenu analitičkih procedura na podacima iz finansijskih izvještaja, pa prema tome ne obezbjeđuju pouzdanost koja bi se dobila izvršenom terenskom revizijom.

Politička stranka nije postupila u skladu sa odredbama člana 11. stav 3. Zakona o finansiranju političkih stranaka jer obrasci finansijskih izvještaja nisu popunjeni u skladu sa Pravilnikom o godišnjim finansijskim izvještajima političkih stranaka.

Na osnovu našeg pregleda, odnosno revizije finansijskog izvještaja, osim gornje napomene nismo zapazili ništa značajno što bi ukazalo na druge nedostatke u izvještaju ili finansiranju ove političke stranke, te nije potrebno vršiti dodatnu reviziju u prostorijama stranke po članu 14. stav 7. Zakona o finansiranju političkih stranaka.

1. UVOD

Služba za reviziju finansijskog poslovanja u Centralnoj izbornoj komisiji BiH (u daljem tekstu: Služba za reviziju) je izvršila pregled i kancelarijsku reviziju godišnjeg finansijskog izvještaja Hrvatske stranke prava za 2005. godinu.

Pregled, kontrola i kancelarijska revizija je provedena u skladu sa članom 25. Pravilnika o godišnjim finansijskim izvještajima političkih stranaka («Službeni glasnik BiH» broj 61/06) i članom 2. Pravilnika o administrativnim procedurama pregleda i kontrole finansijskih izvještaja, broj: 01-07-1267/05 od 05.05.2005. godine.

Zbog činjenice da nije obavljena terenska revizija, postoji velika mogućnost da pojedine materijalno značajne greške ne budu otkrivene.

Prema podacima iz godišnjeg finansijskog izvještaja je iskazala ukupne prihode u iznosu od 99.723,93 KM, čija struktura je data u sljedećoj tabeli:

Red.br.	Vrsta prihoda	Iznos u KM	Učešće u Uk.prih. %
1	Članarina	0,00	0,00
2	Prilozi fizičkih lica	0,00	0,00
3	Prilozi pravnih lica	0,00	0,00
4	Prihodi od imovine	0,00	0,00
5	Prihodi od pr.lica	0,00	0,00
6	Prihodi od poklona	0,00	0,00
7	Prihodi iz budžeta	99.719,00	99,99
8	Ostali prihodi	4,93	0,01
	Ukupni prihodi:	99.723,93	100,00

U godišnjem finansijskom izvještaju politička stranka je iskazala ukupne rashode u iznosu od 99.696,85 KM.

2. PREDSTAVLJANJE POLITIČKE STRANKE

Naziv političke stranke: Hrvatska stranka prava. Skraćeni naziv stranke je HSP.

Politička stranka je registrovana 20.10.1999. godine u Kantonalnom sudu u Širokom Brijegu, broj upisa R 14/98.

Sjedište političke stranke je u Ljubuškom, Fra Petra Bakule.

Lica ovlaštena za zastupanje stranke: Zdravko Hrستیć, predsjednik.

Lice ovlašteno za podnošenje finansijskih izvještaja za 2005. godinu je Zdravko Hrستیć.

Prema podacima iz finansijskog izvještaja Hrvatska pravaški blok BiH ima samo glavni odbor.

3. OPIS PREGLEDA I KANCELARIJSKE REVIZIJE

Predmet kancelarijske revizije je godišnji finansijski izvještaj HSP za 2005. godinu.

Cilj kancelarijske revizije je da revizor na bazi finansijskog izvještaja pokuša da ustanovi da li je stranka u izvještajnom periodu postupala u skladu sa odredbama Zakona o finansiranju političkih stranaka. Ukoliko revizor na bazi kontrole finansijskih izvještaja utvrdi određena kršenja Zakona,

ocjenjuje da li je potrebno izvršiti terensku reviziju da bi mogao izraziti mišljenje o tome da li se stranka finansirala u skladu sa Zakonom o finansiranju političkih stranaka.

Obim kancelarijske revizije finansijskih izvještaja obuhvata kontrolu i provođenje analitičkih procedura radi utvrđivanja usklađenosti podataka koje je stranka iskazala u finansijskom izvještaju sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta, priloge fizičkih i pravnih lica i prihode od imovine.

4. PRETHODNE REVIZIJE

Nije vršena revizija finansijskih izvještaja.

5. NALAZI I PREPORUKE

5.1. NALAZI

a) **Na osnovu obavljenog pregleda i kancelarijske revizije utvrđeno je da je stranka prekršila odredbe člana 11. stav 3. Zakona o finansiranju političkih stranaka.¹**

Obrasci finansijskog izvještaja nisu popunjeni u skladu sa Pravilnikom o godišnjim finansijskim izvještajima političkih stranaka („Službeni glasnik BiH“ broj 10/04). Obrasci troškova 4-1 i 4-2 nisu popunjeni u skladu sa čl. 20. i 21. Pravilnika o godišnjim finansijskim izvještajima političkih stranaka. Prema Pravilnicima troškovi su trebali biti iskazani pojedinačno po dobavljačima, dok je politička stranka troškove iskazala u jednom iznosu na pojedinačnim obrascima 4-1 i 4-2.

5.2. PREPORUKE :

Na osnovu uočenih nedostataka preporučuje se Hrvatskoj stranci prava:

- *da postupa u skladu sa odredbama člana 11. stav 3. Zakona o finansiranju političkih stranaka.*

KOMENTAR

Hrvatska stranka prava je 26.03.2007. godine dostavila dopunu godišnjeg finansijskog izvještaja za 2005. godinu. Izvršen je pregled dopune finansijskog izvještaja (obraci troškova) i utvrđeno je da obrasci nisu popunjeni u skladu sa Pravilnikom o godišnjim finansijskim izvještajima političkih stranaka.

Hasida Gušić, šef Službe

Sanja Čabrilo, revizor

¹Politička stranka je obavezna da Centralnoj izbornoj komisiji Bosne i Hercegovine podnosi finansijske izvještaje na obrascima koje je odobrila CIK BiH.